

大德重校聖濟總錄卷第一百一

十五

耳病門

耳疼痛

耳腫

耳內生瘡

耳聾聵

聾耳

百蟲入耳

耳諸疾



耳疼痛

論曰足少陰腎之經宗脉所聚其氣通於耳若風邪毒氣乘之與正氣相擊則令耳中疼痛

治耳中策策疼痛生犀丸方

犀角鎊屑

牛黃研各壹分

防風去叉半兩

白附子炮

烏蛇酒浸去皮炙

天南星

半夏湯洗貳拾肆遍

乾薑炮

丹砂研

沒藥研

龍腦研

乳香研

桂去麤皮各壹分

當歸剉焙半兩

麝香研半兩

右一十五味搗羅為細末鍊蜜和丸如梧桐子大空

心酒下二十九

治耳中疼痛香附膏方

附子貳枚去皮生用 菖蒲

礬石燒枯

杏仁湯浸去皮尖雙炒各半兩

麝香研貳錢

蓖麻子陸拾粒去皮

右六味先搗附子菖蒲礬石為細末次將蓖麻子杏仁搗膏次研麝香同拌勻丸如棗核大以蠟裹用大鍼穿透塞於耳中日再用

治耳聾疼痛百合散方

百合不拘多少

右一味焙乾為細散食後溫水調下一錢匕日三服
治耳內極痛方

鬱金末

右一味研細每用一字以淨水調傾入耳內却急傾出

治耳卒疼痛不能忍塞耳散方

菖蒲

附子炮裂去皮臍各壹分

右二味搗羅為細散林油調綿裹棗核大塞耳中
治耳風疼痛久聾不通木香散方

木香

右一味擣羅爲細散用慈黃心截了尖沾鷺脂在上
蘸木香散深內耳中覺痛止待一時辰方取去日三
五上

治耳卒疼痛熨法

鹽伍兩

右一味於飯上蒸過乘熱以軟布裏頻熨之

耳腫

論曰耳者腎之候心之寄竅若其經爲風熱所客隨脉
而上至於耳中氣聚不散邪熱攻衝結聚爲腫甚則黃
汁出而爲暴聾之病也

治兩耳腫木香散方葶藶散普火少指人耳中日三四到也

木香

防己

芍藥

赤耳玄參

白欬

大黃剉

芒消

黃芩去黑皮

紫葛各壹兩

赤小豆分

右一味擣羅爲散每搗生榆白皮取汁和少許塗

帛上貼腫處取消

治兩耳腫時苦疼痛鹽花丸方安火銀

鹽花肆大

甜葶藶

水洗

右一味擣羅爲散每搗生榆白皮取汁和少許塗

杏仁去皮尖

臘月豬脂錢

水洗

右一味擣羅爲散每搗生榆白皮取汁和少許塗

右四味除脂外各搗研極細一處研勻次入豬脂和丸如棗核大每用綿裹內耳中日一易之初內藥後忽覺耳痛有惡水出四體不安勿疑

治耳腫熱痛及暴覺腫者三物散方

赤小豆

大黃各半兩

木鼈子人體

右三味各搗研為末再同研勻每用少許以生油旋

調塗耳腫處

治耳卒腫出膿礬石散方

礬石

熬令汁枯半兩

右一味研細每以葦管吹少許入耳中日三四度或

以綿裹如棗核大塞耳中亦得

治耳卒腫栝樓根塞耳方

栝樓根

洗不拘多少

右一味以刀削一頭令尖可入耳中以臘月豬脂煎

之三沸候冷取塞耳中差

治耳卒腫棟實塞耳方

棟實

伍

右一味爛搗每用綿裹如棗核大塞耳中

治耳腫商陸塞耳方

商陸

生者洗

右一味以刀子削如棗核內耳中日二易之

治耳腫杏人膏方

杏人去皮尖
雙入

右一味研成膏撚如棗核亂髮裏內耳中日二易之

耳內生瘡

論曰足少陰為腎之經經虛則風熱邪氣乘之與津液相搏故耳內生瘡世俗治耳瘡多以傅摻塞耳等藥以謂邪氣出外專為外醫殊不知服藥以治腎經之為善也

治耳內生瘡菖蒲湯方

菖蒲米泔浸壹宿
剉焙參分

附子炮裂去
皮臍

五味子

熟乾地黄

白茯苓去黑
皮

防風去
叉

人參各半
兩

磁石醋碎柒偏
壹兩壹分

木通

玄參

杜仲去麤皮剉
炒各壹分

黃耆參
分

右一十二味咬咀每服三錢匕以水一盞入生薑三

片大棗二枚擘破同煎至七分去滓溫服

治耳有惡瘡塞耳大黃散方

大黃半
兩

黃連去
須

龍骨各壹
分

右三味為細散每用少許綿裹棗核大塞耳中

治耳有惡瘡黃連散方

黃連去須半兩

礬石參分燒汁盡研

右二味搗研為細散每以少許綿裹內耳中兼療耳痛有膿

治耳有瘡方

羊屎暴乾

右一味研為末每以少許綿裹塞耳中

治米疽生耳中連頭腫疼不可忍香脂膏方

鬱金

地骨皮各壹分

礬石壹錢

龍腦半錢

右四味搗研為細末用臘月豬脂油調塗之若用鼠腦調更佳

治耳瘡土馬驥塗方

土馬驥

井中苔等分

右二味搗研為末以燈灺內油調塗之

耳聾

論曰耳者腎之候心之寄竅風熱搏於經絡則耳中津液結聚如麩片之狀久則丸結不消或似蠶蛹致氣竅不通聾為聾

治聾聵塞耳礬石膏方

礬石熬令汁 附子炮裂去皮 菖蒲兩

杏仁湯浸去皮尖雙人 蓖麻人別研

松脂 烟脂各參分

右七味搗研令勻和如膏以綿裹棗核大塞耳中常令相續以差為度

治聾塞耳聾強堅不可挑塞耳豬脂膏方

生豬脂壹 釜下墨半兩

右二味調和成膏捏如棗核大綿裹塞耳中

治聾塞耳聾強堅不可挑灌耳葱液膏方

葱汁參 細辛去苗 附子炮裂去皮

右三味搗羅細辛附子為末以葱汁調令稀灌入耳中

治聾塞耳聾強堅不得出黃連散方

黃連夫根須 附子炮裂去皮

右二味搗羅為散每以少許摻入耳中

治聾塞耳聾強堅不可挑灌耳地龍汁方

地龍濕者伍

右一味研取汁數滴入耳中挑即自出

聾耳

論曰腎氣通於耳耳者腎之候若其經為風邪所乘毒

氣蘊結於耳中以至膿汁俱出妨悶疼痛謂之聾耳

治聾耳通氣散方

郁李人去皮研半兩木香壹分

檳榔剉參

大黃剉壹兩芍藥兩

細辛去苗葉壹分

人參兩山芋

桂去麤皮壹兩

甘草炙牡丹皮各壹分

右一十一味除郁李人別研外搗羅為散和勻每服

一錢匕空心溫酒調下

治聾耳出膿血塞耳白欬散方

白欬 黃連去須 龍骨

赤石脂 烏賊魚骨去甲各壹兩

右五味搗羅為散先以綿拭膿乾用藥一錢匕綿裹

塞耳中

治聾耳痒膿汁不止塞耳菖蒲散方

菖蒲剉 狼毒 磁石煨帶滓壹兩

附子炮裂去皮臍 礬石燒令汁盡各半兩

右五味搗羅為散以羊髓和少許綿裹塞耳中

治聾耳出膿水狼牙散方

狼牙 白欬 竹中蛙屑各壹分

右三味搗羅為散以少許搽入耳中

治聾耳塞耳菖蒲散方

菖蒲剉焙

桂去麤皮

野葛等分

右三味搗羅為散以雀腦髓和綿裹棗核大先灸耳中宛宛者七壯後用藥塞耳中日一易

治聾耳出膿久不差者有蟲塞耳鯉魚腸方

鯉魚腸壹具細切

醋參合

右二味合搗布裏棗核大塞耳中食頃痛即有蟲出著布即拔之更易新者蟲盡為度

治聾耳出膿汁礬石散方

礬石燒令汁盡研

食鹽研各壹分

右二味各細研為散先以紙捻子拭去膿汁令乾次以鹽摻之次又以礬石摻之日再

治聾耳耳中痛附子散方

附子炮裂去皮

黃連去須壹分

右二味搗羅為散以少許摻耳中

治聾耳出膿水紅花散方

紅藍花壹分

礬石半兩燒灰

右二味搗羅為散以少許摻耳中

治聾耳出膿水黃連散方

黃連去須半兩

瓠子乾者壹分

右二味搗羅爲散以少許摻耳中

治聾耳耳中痛膿血出塞耳細辛散方

細辛去苗 附子炮裂去臍皮各壹分

右二味搗羅爲散以葱汁和一錢匕綿裹塞耳中

治聾耳塞耳黃礬散方

黃礬半兩

右一味內餅中火燒令汁盡細研爲散綿裹一錢匕

塞耳中

治聾耳出膿血塞耳桃人方

桃人湯去皮尖

右一味搗如泥搥如棗核大穀葉裹塞耳中或以故

緋帛裹亦佳

治聾耳耳中痛膿血出塞耳桂膏方

桂去麤皮

右一味搗羅爲末以魚膏和搥如棗核大塞耳中

治聾耳塞耳雀腦方

五月五日雀腦

右一味以綿裹少許塞耳中

又方

巴豆去皮心

右一味以雞卵一枚破頭作小竅內巴豆蒸以紙封之却安雞窠中候雞抱卵日餘卵雛出取藥綿裹少許塞耳中

又方

伏龍肝

細研半兩

右一味以豬膏和撚如棗核大綿裹塞耳中日再易夜一易

又方

釭中膏

車脂也

右一味綿裹棗核大塞耳中

又方

乾蚯蚓

壹兩

右一味搗羅為末綿裹棗核大塞耳中

又方

母鼠肝

壹具

右一味旋取活鼠乘肝熱時以棗核大塞耳中

又方

鑄墨

右一味細研先淨拭去耳中膿以少許摻耳中

又方

茶籠上 蚰屑 兩

右一味細研摻滿耳中

又方

蒲黃細研

右一味以一豆大摻耳中

又方

生油壹合

右一味內葱管內隔宿取出滴耳中

治聾耳方

又方 松脂

右一味為末摻耳中膿止即差

治聾耳出膿杏仁膏方

杏仁不拘

右一味炒令赤搗如膏以綿裹塞耳中

治聾耳方

石首魚腦中枕子

右一味為末摻耳中即差

百蟲入耳

論曰百蟲入耳其類不一古方或灌以藥或導以物皆以意出之也獨驢乳牛酪二物最為良法諸蟲之入耳

續金一百一十五

十一

續金一百一十五

十一

者灌之即化為水其入腹者則連服數劑取差
治蚰蜒入耳立驗散方

芎藭 天南星炮 白芷

夜明沙炒 豬牙皂莢各炙 白丁香

百部 藜蘆各肆錢 草烏頭半兩

海金沙分壹 砒霜別研 草撥各錢

右一十二味搗羅為散與砒霜合和研勻臨時更用
鉛丹調色勻瓷合收如蚰蜒入耳取少許用醋一兩
滴調化以細翎毛蘸藥入耳竅微吹令藥氣行立出
藥不得多多即化蚰蜒成水不出如蠍螫先點少醋

在螫處搽藥半字許擦令熱徹効

治蚰蜒入耳烏頭散方

烏頭參 木鼈子去殼 礬石燒令汁

白丁香壹撮 夜明沙分壹 烏雞屎參塊

鉛丹壹分 豬牙皂莢參炙 小兒衣帶壹條如

血參兩滴亦得

右九味同搗羅為散每服一字釀醋調灌入耳內少
時蟲盡出

治蚰蜒百蟲入耳備急散方

芫青 斑貓並去頭足米炒

總錄一百一十五
卷四

金星石 並研名柳絮礬

狼毒 錢 青黛 分

右七味搗研為散每用一字水少許調入耳立出

治蚰蜒諸蟲入耳灌耳散方

雄黃 蒿苣子 蕪荑 各壹兩

綠礬 兩 板藍根 壹兩 沒心草 兩

麝香 研壹分臨時和入

右七味於五月五日午時合和內瓷餅中燒為灰入

麝香研勻每用藥一字生薑一塊如棗大葱白一莖

同研取汁入藥末攪和勻更用清油一合調藥灌入

耳中其蟲食頃淺者自出深者自死如入腹內者以

羊肉半斤作羹除油不用以前藥入在羹盆內和勻

令人於盆內浸一飯時其蟲自出

治蚰蜒入耳灌耳麝香驢乳汁方

麝香 分 綠礬 兩 米醋

驢乳汁 各少許

右四味調和為汁以一蜩殼盛少許傾入耳內須臾

耳傾出蟲化為水

治蚰蜒入耳雄黃灌耳方

雄黃 綠礬 礬石

總錄一百一十五
卷四

半夏 各壹分

右四味同搗為末以醋調一字灌入耳兼治蜈蚣諸蟲入耳

治蚰蜒入耳礶砂吹耳方

礶砂 研

膽礬 研各壹分

右二味研細用雞翎管子吹一字許入耳蟲化為水

治蚰蜒入耳灌耳牛乳方

牛乳 壹盞

右一味少少灌入耳內即出若入腹者飲一二升當化為黃水出未出更飲

治蚰蜒入耳驢乳灌耳方

驢乳 合參

右一味側灌入耳中其蟲從左耳入即右耳出

治蚰蜒入耳灌耳生油方 字主由臨壘八耳門上其蟲

生油 合參

右一味少少灌入耳中若入腹者空腹服酢酪一升不出更服仍以麩和燒餅乘熱薄耳門須臾即出

治蚰蜒入耳灌耳水銀方

水銀 壹豆大

右一味傾入耳中欹耳孔向下於耳上擊銅器物數

續錄一百一十五

花 廿五

聲其蟲即出

治蚰蜒入耳灌耳小便方

小便

盞半

右一味少少灌入耳中即出

治蚰蜒入耳塗耳百部方

百部

焙切

右一味搗羅為末以一字生油調塗於耳門上其蟲

自出

治蚰蜒入耳胡麻枕耳令出方

胡麻

半升炒令香

右一味搗碎以葛袋盛側臥枕耳

治蚰蜒入耳枕耳令出方

麻油作煎餅

右側臥以耳枕之須臾即出

治蚰蜒入耳雞血方

雞心血

右用生油和滴入耳內蚰蜒即出

治蜈蚣入耳桑葉掩耳方

桑葉

壹握

鹽

壹撮

右二味以桑葉裹鹽炙令熱掩耳上冷即易

續金匱要略卷之五

耳

治蜈蚣入耳豬肉掩耳方

豬肉壹兩片

右一味炙令香掩耳上立出

治蟻入耳灌耳醬汁方

醬汁壹兩合

右一味灌耳中即出

治蟻入耳灌耳小蒜汁方

小蒜參兩握

右一味研取汁灌入耳中

治蟻入耳灌耳鮫鯉甲方

鮫鯉甲半兩燒為灰

右一味以水調濾過滴入耳中即出

治蟻入耳豬脂枕耳方

豬脂壹片

豬肉壹片

右二味將豬脂煎豬肉令香安耳孔邊枕睡即出

治諸蟲入耳耳腫不聞語聲有膿血塞耳黃耆丸方

黃耆兩剉壹

芍藥兩半

當歸切焙半兩

乾薑兩炮半

蜀椒去目并閉口壹分

右五味搗羅為末入生地黃二兩切和杵令勻以棗

核大薄綿裹塞耳中日夜易之

治百蟲入耳塞耳令出方

桃葉心貳柴

胡麻壹升炒

右二味先以桃心葉塞耳中其蟲必出未出將胡麻以葛袋盛枕耳邊蟲自出

治百蟲入耳蜀椒醋灌耳方

蜀椒半兩

醋半

右二味以椒末投醋中少少灌入耳內行一二十步蟲即出

治百蟲入耳葱油枕睡法

油麻

壹升炒研

葱白

壹莖細切

右二味將葱與油麻拌勻以餅子盛當耳門安側睡令餅口向耳無令傾側蟲從耳中出至餅子內即去之

又方

右以火照之即向明出

治百蟲入耳草烏頭方

草烏頭尖

礬石各等分

右二味為末用醋調灌耳中立出

治百蟲入耳豬膏灌耳方

豬膏貳

青錢壹拾肆文

右二味以錢內豬膏中煎之去錢以豬膏少少灌入耳中

治百蟲入耳藍青汁灌耳方

板藍葉

搗

右一味研取汁少少灌入耳中

治百蟲入耳塞耳桃葉方

桃葉

右一味微炙熱簪頭及塞耳中或擣爛薄綿裹如棗核大塞之亦佳

治百蟲入耳塞耳方

鱒魚頭

燒灰取屑

右一味以綿裹塞耳中立出

治百蟲入耳生薑汁灌耳方

生薑汁

右一味少少灌入耳中立出

治百蟲入耳釭脂塗耳方

釭中膏

右一味少少塗耳竅蟲自出

治百蟲入耳擊刀法

右以刀兩口於耳上相擊作聲蟲即走出也

治百蟲入耳方

雄雞冠血不以多少

右滴耳內立出

治蜈蚣入耳閉氣令出方

右閉氣氣滿即吐復閉取令出或死耳中徐徐以物鉤出之若積久不出者取新熟豬肉安耳竅上即出

治蜈蚣入耳革帶鉤令出方

革帶鉤向耳孔諸蟲皆出勿令鉤羅耳竅內蟲或死在耳中即取之

治飛蛾入耳法

右先大吸氣仍閉口掩鼻呼出氣蟲即隨氣出

又方

右以葦管吹之即走出

又方

右以指彈齒隨左右易

又方

右以雞肉塞耳中立出

治飛蟲入耳方

右以石斛數條去根如筒子絛一邊耳竅中四畔以蠟閉塞以火燒石斛盡則止熏右耳即蟲從左耳出

未出再作

耳諸疾

論曰腎開竅於耳足少陰之經宗脈所會也若精氣調和元氣充盛則耳聰而諸疾不生或勞傷氣血容受風邪則腎虛而爲耳病有腎間積水而耳聾者有心氣虛熱而耳聾者有腦脂下流成疔聾耳垢而耳聾者其證不一

治腎間有水耳聾經年不差澤瀉湯方

澤瀉壹兩半

熟乾地黄貳兩五味子

丹參

玄參

防風去

桂去皮麩

人參

當歸切各壹兩半

白茯苓去皮黑

石斛去根

地骨皮各貳兩

礞石煨碎兩

牛膝去酒浸切碎

甘草炙

黃耆剉

萹蒲米泔浸壹宿剉兩

右一十七味麩搗篩每服三錢匕先以水三盞煮羊

腎一隻取汁至一盞去羊腎下藥入生薑六棗大拍

碎大棗三枚去核同煎七分去滓食前溫服

治腎間有水使人耳聾補不足柏子人湯方

柏子人酒浸壹宿桂去皮壹

白朮米泔浸壹宿剉碎

人參

乾薑炮

甘草炙

防風

去叉

烏頭

炮裂去皮

陳橘皮

湯浸去白

山芋

芎藭

磁石

煨淨

芍藥

黃耆

白茯苓

去黑皮各

右一十五味咬咀每服三錢匕先以水三盞煮羊腎

一隻取汁一盞去羊腎下藥入生薑一棗大拍碎同

煎至七分去滓食前溫服

治虛損耳聾桑螵蛸湯方

桑螵蛸

炙拾枚

牡丹皮

半

白朮

米泔浸壹

白茯苓

去黑皮

當歸

切焙

桂皮

去麩

牡荊子

炒

磁石

煨淨

附子

炮裂去皮

菖蒲

米泔浸壹宿到焙

熟乾地黄

焙各壹兩

大黃

炒

細辛

去苗葉

芎藭

各半

右一十四味咬咀每服三錢匕先以水三盞煮豬腎

一隻取汁一盞去腎下藥煎至七分去滓食前溫服

治腦熱腦脂流下塞耳聾大青丸方

大青

大黃

炒

梔子

去皮

黃耆

剉

升麻

黃連

去須各壹兩

朴消

貳兩

右七味搗羅爲末鍊蜜丸如梧桐子大每服三十九

空心溫水下

治耳內空塞如有物點黃耆膏方

黃耆剉

升麻

大黃剉

芍藥各壹

細辛去苗葉半兩

右五味搗羅爲末以清麻油五合調勻慢火煎取二合稀稠得所以瓷合盛每用少許滴耳中日三

治耳重百靈丸方

芫花

醋浸妙乾

茯苓子妙去角

地龍炒

懷香子炒

地丁各壹分

右五味搗羅爲末以醋和蜜鍊熟丸如梧桐子大空心臨臥溫鹽酒下五丸

治耳重摻耳振聖散方

瓜蒂

麝香研

地龍

地丁各半兩

右四味搗羅爲散每以少許摻耳內

治失飢冒暑及風熱曼愁使耳暴聾或一耳塞因噤氣而開噤已復塞令人煩悶卓遠丹方

烏頭去皮

黑豆各肆兩

鹽壹兩

右三味瓷餅盛坐水中慢火煮令烏頭透取出細切與黑豆同焙爲末煮麩糊丸如梧桐子大每服十五丸至二十九空心溫酒下

治時行心氣奪耳聾藍實丸方

藍實

茯神去木

防風去叉各壹兩壹分

黃連去須壹兩半

人參兩半

菖蒲

遠志去心各參分

右七味搗羅為末鍊蜜丸如梧桐子大每服二十九

空心溫水下

治汗後耳聾獨聖散方

零石有竅子如鍼眼者

右一味搗研為細散每服一錢匕冷水調下

大德重校聖濟總錄卷第一百一十五

大德重校聖濟總錄卷第一百一十六

鼻病門

鼻塞氣息不通 鼻塞不聞香臭

鼽鼻 鼻中生息肉

鼻痛

鼻淵

鼻流清涕

鼻中生瘡

疳蟲蝕鼻生瘡

Blank columns with faint bleed-through text from the reverse side of the page.

鼻病統論

論曰肺為五藏萃蓋開竅於鼻肺氣和則鼻亦和肺感風冷則為清涕為鼽為息肉為不聞香臭肺實熱則為瘡為痛膽移熱於腦則濁涕不已謂之鼻淵惟證候不同故治療亦異

鼻塞氣息不通

論曰鼻塞氣息不通者以肺感風寒其氣搏結不得宣快窒塞既甚而息不能出入也巢氏謂息肉生長致氣窒塞不通蓋有未嘗生息肉而氣息不通者宜析而治之

治鼻塞氣息不通蜀椒湯方

蜀椒去目及閉口者炒出汗半兩

乾薑分壹

附子炮裂去皮臍半兩桂去麤皮壹分

山芋參

細辛去苗葉半兩石斛去根壹分

山茱萸半

杏仁伍拾粒去皮尖雙人炒研

麻黃去根節

白附子炮甘草炙各半兩

右一十二味剉如麻豆每服二錢匕水一盞煎至七分

分空心去滓溫服然急肉急不開香臭却實無阻氣

治肺風上攻鼻塞不通人參湯方麻味圓鼻亦味鹹氣

人參 白茯苓去黑皮 黃芩去黑心

陳橘皮湯浸去白炒 麻黃去根節 蜀椒去目及閉口者炒出汗

羌活去蘆頭各半兩

右七味麤搗篩每服三錢匕水一盞半煎至七分去

滓食後溫服

治肺傷寒氣欬嗽唾痰聲重鼻塞補肺杏仁煎方

杏仁去皮尖雙人貳兩研 棗肉煮去皮核壹升 白蜜

酥 生薑汁各半升 錫壹升

右六味合和於銀石器中微火煎攪候熟每服一匙

頭溫酒調下食後

治肺風上攻鼻塞不通人參丸方

人參

防風去

細辛去苗

黃耆剉

沙參

木通剉

甘菊花微炒各半兩

右七味搗羅為末鍊蜜和丸如梧桐子大每服十九

溫水下日再

治鼻塞寒氣息不通鑄墨散方

鑄墨兩半

右一味研羅為散每服二錢匕溫水調下至小食止

治鼻塞寒氣息不通小薊湯方

小薊壹把淨洗

右一味細剉以水二盞煎至八分去滓溫服

治鼻中窒塞氣不通利木香膏方

木香

細辛去苗

當歸焙切

苧藟

木通

麝人研

白芷各半兩

右七味細剉內銀石器中入羊髓微火煎候白芷色

黃膏成去滓澄凝每取小豆大內鼻中日再以差為

度

治鼻塞不通皂莢散方

皂莢炙去皮并子

細辛去苗

辛夷

蜀椒

去目及閉口者炒出汗

附子

炮裂去皮

右五味搗羅爲散每以少許吹入鼻中

治鼻塞不利當歸膏方

當歸

切

地黃草

木通

細辛

去苗葉

麝人

研各

芎藭

白芷

各半兩

右七味細剉以羊髓四兩同內銀石器中入諸藥微

火煎候白芷黃色去滓傾入合中澄凝每以小豆大

綿裹塞入鼻中日三熱者以黃芩梔子代當歸細辛

治鼻塞塞不得喘息菖蒲散方

菖蒲

皂莢

去皮并子各壹分

貝母

去心

右二味搗羅爲散每用一錢匕以綿裹時塞鼻中仰

臥少頃

治鼻塞塞氣息不通瓜蒂散方

瓜蒂

貳柒枚

右一味搗羅爲散以少許吹入鼻中差

治鼻塞塞氣息不通槐葉湯方

槐葉

壹兩

右一味以水三盞煮取二盞去槐葉下葱白二寸豉

一合更煎五七沸去滓分溫三服不拘時

鼻塞不聞香臭

去積食三服不聞

論曰鼻有生息肉不知香臭者亦有無息肉而不知香臭者生息肉不知香臭已列方劑此姑論鼻塞不聞香臭蓋鼻之窒塞或冷風乘肺或肺經壅熱冷熱固異其塞則一皆肺藏不和氣不宜通故也治塞者當審其冷

熱

治鼻塞不聞香臭款冬花丸方

款冬花

檳榔到

百合

麥門冬

法心

桔梗

炒

天門冬

法心

中貯

地骨皮

羚羊角

鎊

貝母

法心

山梔子人

大黃

剉

黃芩

法心

黑

防風

法心

杏仁

去皮尖

郁李人

去皮炒

各取兩

人參

山芋

法心

此胡

法心

各取兩

百部

甘草

炙

苦參

各取兩

法心

桑根白皮

剉

旋復花

各肆

牛黃

研

木香

各半

蛤蚧

壹對全

右二十六味搗研爲末鍊蜜丸如梧桐子大每服二

十九至二十九食後溫漿水下

治頭旋鼻塞不知香臭菴蓉丸方

肉從蓉

酒浸

石鍾乳

研成

粉

五味子

菟絲子酒浸別搗

蛇牀子炒

山芋各壹兩

澤瀉

石斛去根

甘菊花

細辛去苗葉

續斷

鹿茸去毛酒浸炙

防風去根

秦艸去苗土

黃耆剉

乾薑炮

柏子人別研各參分

右一十七味除別研外搗羅爲末同和勻鍊蜜丸如

梧桐子大每服二十九空心溫酒下日再不飲酒棗

湯下服藥三日後灸百會穴三七壯卽貼如神膏

如神膏方

蓖麻子去殼

杏仁去皮尖

印子鹽燒

芎藭

防風去根

松脂各壹分

蠟半兩

油壹升

右八味先入油於銀器中次將諸藥作麤散入油中

微火上煎成膏濾去滓瓷罈盛每用約大小貼之日

一換

治鼻塞不聞香臭天門冬丸方

天門冬去心焙

白茯苓去黑皮人參各伍兩

枳實去穢炒

甘草炙各兩

檳榔剉末

右六味搗羅爲末鍊蜜丸如梧桐子大每服二十九

食後漿水下日再暑月以牛乳下

治肺實鼻塞不聞香臭百部散方

百部貳兩

款冬花

貝母去心

白薇各壹兩

右四味搗羅為散每服一錢匕米飲調下

治鼻塞不聞香臭防風湯方

防風去義半兩

梔子去皮柴枚

升麻壹兩

石膏碎參兩

麻黃去根節參分

桂去麤皮半兩

木通剉壹兩壹分

右七味麤搗篩每服三錢匕水一盞煎至七分去滓

空心溫服日再

治鼻塞不通不聞香臭或生息肉生瘡排風散方

防風去義

秦艽去苗土

山芋

吳茱萸湯浸焙炒

天雄炮裂去皮臍各壹兩羌活去蘆頭半兩

右六味搗羅為散每服二錢匕空心溫酒調下

治鼻中不利窒塞不聞香臭通氣膏方

木通

當歸切焙

芎藭

麝人

桂去麤皮各半兩

細辛去苗葉

白芷各參分

右七味細剉與羊髓三兩同於銀石器中微火煎候

白芷黃色去滓澄凝每取小豆大塞鼻中日再

治鼻塞不聞香臭其遂散方

甘遂

細辛去苗葉

附子炮裂去皮臍

木通剉各壹分

右四味搗羅為散每以少許綿裹塞鼻中當有清水出病重者或清水下一二升臥時安藥若微痛當忍之勿觸風冷

治鼻塞不聞香臭芎藭散方

芎藭

辛荑各壹兩

細辛去苗葉參分

木通剉半兩

右四味搗羅為散每以少許綿裹塞鼻中濕即易之

五七日差

治鼻塞不聞香臭通頂散方

滑石研

胡黃連末各壹分

瓜蒂為末

麝香研半兩

蟾酥研壹錢

右五味同研勻每以少許吹入鼻中即差

治鼻塞不聞香臭瓜蒂散方

瓜蒂

藜蘆各壹分

右二味搗羅為散每以一錢匕綿裹塞鼻中日三易治鼻塞不聞香臭細辛散方

細辛去苗葉

瓜蒂各壹分

右二味擣羅爲散以少許吹鼻中

鼈鼻

論曰鼻和則知香臭夫鼻爲肺之竅非能自和也必肺氣流通然後鼻爲用而香臭可知若心經移熱於肺致肺藏不和則其竅亦無以宣達故爲鼈鼻此乃內經所謂心肺有病則鼻爲之不利者也

治肺氣壅塞鼻鼈不聞香臭茯神散方

茯神去木壹兩半

山芋

人參各貳兩半

赤茯苓去黑皮

防風去義

防已各壹兩半

蜀椒去目并合口者炒出汗壹兩

山茱萸壹兩半

甘菊花

桂去皮細辛去葉

芍藥

貫衆

白朮米泔浸壹宿到碎炒各壹

兩壹分

乾薑炮壹兩

甘草炙壹兩半

右一十六味擣羅爲散每服二錢匕空心溫酒調下

日再

治鼈鼻順肺氣四時服食黃耆散方

黃耆剉

人參剉防風去義

防已

生乾地黄焙

桔梗炒

芍藥

黃芩去黑心

澤瀉

石南葉

紫苑土苗

桂去皮

白朮米泔浸壹宿剉 甘草炙

牛膝酒浸壹宿切焙

赤茯苓去黑皮各參兩

右一十六味搗羅為散每服一錢匕溫酒調下如要丸鍊蜜丸如梧桐子大每服三十九丸亦溫酒下

治鼈鼻山茱萸丸方

山茱萸

菊花

大黃剉炒各壹兩壹分

獨活去蘆頭參分

甘草炙剉

防風去蘆頭剉

蔓荆實去白皮各壹兩 秦艽去苗土壹兩半

梔子去皮炒壹兩

附子炮裂去皮臍參分 朴消參兩參分

白朮米泔浸壹宿剉

右一十一味搗羅為末鍊蜜丸如梧桐子大每服二

十九空心溫水下老人亦宜服妊娠人去附子加細

辛半分

治鼈鼻雄黃丸方

雄黃研壹錢

甘草炙

附子炮裂去皮臍

細辛去苗葉各壹分

右四味搗羅為末用羊膽汁和丸如棗核大以綿裹內鼻中移時出惡物即差

治鼈鼻方

瓜蒂半兩

細辛壹分

右二味搗羅為末以綿裹如棗核大塞鼻中須臾即

透

治鼈鼻不開香臭甘遂丸方

甘遂

細辛去苗葉

木通剉

附子

炮裂去皮臍各壹分

右四味搗羅爲末以羊膽汁和如棗核大以綿裹臥內鼻中覺微痛眼淚出鼻清涕流卽通利慎風冷

治鼈鼻不開香臭宜塞鼻細辛散方

細辛

去苗葉

甘草炙

木通剉

附子

炮裂去皮臍各壹分

右四味搗羅爲散以羊膽汁和如棗核大塞鼻中

治鼈鼻不開香臭室塞氣不宜通塞鼻瓜蒂散方

瓜蒂壹分

右一味搗羅爲散以半錢匕綿裹夜臥塞鼻中旦卽

去之

治鼈鼻氣息不通煩悶灌鼻痰菜苗汁方

疾藜子苗

竟把車輻過者無車輻過者採取今車輻之

右一味搗碎以水濃煎濾去滓將汁入鼻中或已有息肉者因噴嚏出如赤蛹子差

治鼈鼻法

伏面臨牀以新汲水淋玉枕上卽差

治鼈鼻吹鼻乾薑散方

乾薑炮半兩

右一味搗羅為散以少許吹入鼻中

治鼈鼻吹鼻皂莢散方

皂莢壹挺炙刮去皮子

右一味搗羅為散以一字匕吹入鼻即差

鼻中生息肉

論曰鼻者肺之竅鼻和而知香臭風寒客於肺經則鼻氣不利致津液壅遏血氣搏結附著鼻間生若贅疣有害於息故名息肉

治鼻中息肉羊肺散方

羊肺壹具薄切去筋膜炙令乾

白朮米泔浸壹宿剉碎炒黃肆兩

乾薑炮裂

芎藭各半兩

木通剉半兩

肉苁蓉酒浸壹宿切焙

右六味搗羅為散每服一錢匕食後米飲調下日二

治鼻中息肉傅鼻雄黃散方

雄黃研

細辛去苗葉

木通剉

麝人研

皂莢炙刮去皮并子各壹分

白礬煨過半兩

礬石黃泥包煨過半兩

藜蘆炙

地膽

瓜蒂

地榆洗去泥土

蘭茹各分

巴豆拾粒去皮

右一十三味搗羅為散煎細辛白芷湯和塗傳息肉

上以膠清和塗之亦得取差為度

治鼻中息肉吹鼻細辛散方

細辛去苗

瓜蒂等分

右二味搗羅為散吹半錢入鼻中須臾嚏出頻吹取

差

治鼻生息肉礬石丸方

礬石

熬令汁枯肆兩

木通

細辛

去苗葉各半兩

丹砂研壹分

右四味搗研為末和勻麩糊為丸如小豆大每用

丸綿裹內鼻中一日一易取下息肉則止

治鼻中息肉傳鼻地膽膏方

生地膽

細辛去苗葉

白芷

右三味等分先搗羅白芷細辛為散將地膽壓取汁

和成膏用少許塗傳息肉上

治鼻中息肉傳鼻地龍散方

地龍去土炒壹分

豬牙皂莢壹分

右二味燒灰羅細先洗鼻內令淨以蜜塗之傳藥少

許在內出清水盡即息肉自除

治鼻中息肉不通傅鼻胡粉膏方

胡粉炒

白礬燒令汁盡等分

右二味搗羅為末用青羊脂和成膏以小許塗傅息

肉上

治鼻中息肉傅鼻瓜蒂膏方

陳瓜蒂分壹

右一味搗羅為末以羊脂和時以少許傅息肉上

治鼻中息肉不通利傅鼻地膽汁方

生地膽壹枚

右一味取汁塗息肉上一宿當消無生者搗乾者為

末酒漬傅之

治鼻生息肉不得息灌鼻藜蘆散方

藜蘆壹分

礬石燒令汁枯壹分

瓜蒂貳柒枚

附子炮裂去皮臍半兩

右四味搗羅為散以酒調半錢內小竹筒中灌入鼻

孔以綿塞之日三易佳

治鼻中息肉雄黃散方

雄黃

伍兩置沙鍋中以醋煮參復時取出薄醃洗過夜露曬收參度細研如粉

右一味每服二錢七溫水調下日再不出半月息肉

自出神効

治鼻塞息肉不通方

右以細辛末少許吹入鼻中自通

治鼻有息肉翳鼻氣息不通煩悶灌鼻蒺藜苗汁方

蒺藜子苗

壹把車輞過者採取令車輞

右一味搗碎以水濃煎濾去滓將汁入鼻中息肉因

噴嚏出如赤蛹子差

鼻痛

論曰九竅氣所通也或塞之斯痛矣况鼻之為竅肺氣所恃以出納若肺受風邪與正氣相搏熱氣加之不得宜通則為出納者窒矣其竅既窒而氣之鼓作無已所

以乾燥而痛也

治風熱壅塞鼻乾痛腦悶頭重不知香臭五參散方

人參

沙參

丹參

玄參

苦參

山芋

茯神

去木各壹兩半

獨活

去蘆頭

細辛

去苗葉

麻黃

去節根

木通

剉

羚羊角

銹

防風

去叉

白鮮皮

各壹兩壹分

山茱萸

甘菊花

芎藭

各壹兩

右一十七味搗羅為散每服三錢匕米飲調下早晚

各一

治鼻痛沒藥散方

沒藥研壹分

烏蛇酒浸去皮乾蠍去土

天南星炮

雄黃研別

當歸切

白附子炮

丹砂研別

牛黃研別

胡黃連

白芷

麝香研別

丁香炒

甘草炙

桂去麤皮各壹分

右一十五味除別研外搗羅為散再同研勻每服半錢匕溫酒調下早晚食後服

治肺壅氣促四肢痠疼鼻塞及痛桑白皮湯方

桑根白皮切

升麻

甘草炙

秦艽去苗土

大黃剉炒各壹兩半

石膏碎

葛根各參兩

右七味麤搗篩每服五錢匕水一盞半入竹瀝一合煎至一盞去滓早晚食後臨臥溫服

治肺受風面色枯白頰時赤皮膚乾燥鼻塞乾痛此為虛風白鮮皮湯方

白鮮皮

麥門冬去心

白茯苓去黑皮

白芷各壹兩半

桑根白皮切

石膏碎各貳兩

細辛去苗葉

杏仁去皮尖雙人炒研各壹兩半

右八味麤搗篩每服三錢匕水三盞煮大豆三合取

汁一盞去豆下藥煎取七分去滓早晚食後臨臥溫服

治因高聲呼吸冷風或因哀哭傷氣或飲食熱氣所衝皆致傷肺使氣喘促皮膚風痒四肢痠疼鼻塞乾痛秦尤湯方

秦艸

去苗土

石膏

碎

桑根白皮

剉

甘草

炙

升麻

大黃

剉炒各壹兩

枳殼

去瓤炒

葛根

各參分

右八味麤搗篩每服三錢匕水一盞入淡竹瀝半合煎至七分去滓溫服

治肺風面色乾白鼻燥塞痛羚羊角湯方

羚羊角

鎊

桂

去蟲皮

白茯苓

去黑皮

雞辛

去苗葉

杏仁

去皮尖雙人炒研

麻黃

去根節

防風

去義

防己

麥門冬

去心帶各壹兩

右九味麤搗篩每服三錢匕以水一盞煎至七分去滓溫服

治鼻塞乾痛油塗方

生油

壹

右一味常以雞羽掃塗鼻中酥亦得

治鼻塞疼痛腦悶方

苦葫蘆子碎

右一味以醇酒半升浸之夏一日冬七日少少內鼻中

鼻淵

論曰內經謂膽移熱於腦則辛頰鼻淵鼻淵者濁涕下不止也夫腦為髓海皆藏於陰故藏而不寫今膽移邪熱上入於腦則陰氣不固而藏者寫矣故腦液下滲於鼻其證濁涕出不已若水之有淵源也治或失時傳為

鼻衄目之患
治腦熱鼻淵下濁涕不止防風散方

防風

去叉壹兩半

黃芩

去黑心

人參

甘草

炙

芎藭

天門冬

去心焙各壹兩

右六味搗羅為散每服二錢匕食後沸湯調下日三治腦熱鼻塞多涕前胡湯方

前胡

去蘆頭

木通

剉

石膏

各貳兩

黃芩

去黑心

甘草

炙剉各壹兩半

大黃

剉炒壹兩

右六味麤搗篩每服三錢匕水一盞入葱白一寸豉二十粒生薑一棗大切煎至七分去滓溫服不拘時

治腦熱肺壅鼻淵多涕雞蘇丸方

雞蘇葉

乾

麥門冬

去心焙

桑根白皮

剉

芎藭

黃耆炙

甘草

炙各壹兩

生乾地黃切焙兩

右七味搗羅為末鍊蜜和丸如梧桐子大每服二十丸食後臨臥人參湯下

治腦熱鼻淵多涕芎藭散方

芎藭

莎草根

石膏

研水飛

龍腦研壹分

右四味搗研為散每服二錢匕食後荆芥臘茶清調下

治肺壅腦熱鼻淵不止荆芥散方

荆芥穗

藿香葉

芎藭

莎草根

妙去毛各貳兩

石膏

研細粉壹兩半

龍腦

研壹錢

右六味搗研為散每服二錢匕食後荆芥湯調下

治肺熱鼻塞多涕辛夷膏方

辛夷

白芷

藁本

去苗

甘草

當歸

各半兩

右五味細剉以清酒二盞羊髓十兩銀器內微火煎五七沸傾入合中澄凝每取豆許內鼻中日夜各一

鼻流清涕

論曰五藏化液遇熱則乾燥遇寒則流行鼻流清涕至

於不止以肺藏感寒寒氣上達故其液不能收制如此
且涕泗洩皆鼻液也以繼泣則曰涕以生於肺則曰泗
涕甚曰洩此獨言涕與宣明五氣言肺為涕同意
治鼻出清涕五味子湯方

五味子

山芋各壹兩

半夏湯洗去滑參分

鹿茸

酒浸壹宿酥炙

白朮

米泔浸壹宿對炒各壹分

附子

炮裂去皮臍去

牛膝

酒浸切焙

甘草

炙剉

檳榔

剉

熟乾地黄

焙

乾薑

炮裂各半兩

白豆蔻

去皮去

木香

丁香各壹分

白茯苓

去黑皮參分

右一十五味麤搗篩每服二錢匕水一盞煎至七分

去滓空心溫服

治腦冷鼻塞時出清涕細辛丸內鼻方

細辛

去苗葉

桂

去粗皮

甘遂

炒

芎藭

附子

炮裂去皮臍各壹分辛夷兩

木通

剉貳兩

右七味搗羅為末鍊蜜和摻如棗核大以綿裹內鼻
中勿令氣泄覺小痛擣生薑汁和摻即愈一方用狗

膽和丸

治鼻多清涕甘遂丸內鼻方

甘遂壹兩

細辛去苗葉壹兩半

附子炮裂去皮臍

木通到各壹分兩壹分

乾薑炮裂

吳茱萸湯浸焙乾炒

桂去麤皮各壹兩

右七味搗羅為末鍊蜜和摠如棗核大以綿裹內鼻中仰臥即涕出日三易之避風以差為度

治鼻多清涕細辛膏方

細辛去苗葉

蜀椒去目及閉口者炒出汗

桂去麤皮

芎藭

吳茱萸湯洗焙炒各參分

皂莢炙刮去皮并子半兩附子炮裂去皮臍貳兩

右七味細剉以醋浸一宿入豬脂於銀器中微火煎

候附子色黃去滓傾入合中澄凝以綿裹少許內鼻

中兼以摩頂上

治鼻塞多清涕芎藭膏方

芎藭

吳茱萸湯浸焙乾炒細辛去苗葉

蜀椒去目及閉口者炒出汗

乾薑炮裂

皂莢炙刮去皮并子各參分

右六味細剉以醋浸一宿內豬脂於銀器中煎候五七沸去滓傾入合中澄凝以綿裹少許內鼻中

治鼻久塞清涕不止杏人膏方

杏人湯浸去皮尖雙入貳兩

附子炮裂去皮臍壹兩半

細辛

去葉

蜀椒

去目及閉口者
妙出汗各壹兩

蜀椒去葉

右四味細剉以醋浸一宿用鍊成豬脂一斤銀器盛微火煎之候附子黃色去滓傾入合中澄凝以綿裹少許內鼻中

治鼻塞多年清水出不止灌鼻黃連汁方

黃連

去須
貳兩

蒺藜苗

貳

右二味細剉水二升煎至一升取一合灌鼻中不過再灌大嚏卽差

治鼻塞清水久不止灌鼻蒺藜汁方

蒺藜苗

壹握

右一味細剉以水三盞煮至一盞去滓仰面先滿口含飯取汁一合灌鼻中不過再灌嚏出息肉差

鼻中生瘡

論曰心肺有病鼻爲之不利蓋心肺在膈上肺開竅於鼻心肺壅熱氣熏於鼻間蘊積不散其證乾燥而痛甚則成瘡也惟能平調心火以利肺經則瘡可已

治鼻中生瘡烏犀丸方

烏犀

細鎊
壹兩

羚羊角

細鎊
壹兩

胡黃連

半兩

貝母

微炒去
心半兩

知母

焙參

麥門冬

去心焙

天門冬

去心焙
半兩

甘草

炙壹分

黃芩

去黑心
壹分

人參兩半

牛黃壹兩別研

丹砂兩半別研

芫胡去苗壹兩

右一十三味除別研外搗羅為末入別研藥同更細

羅鍊蜜和丸如梧桐子大每服二十九丸空心溫酒下

治鼻中生瘡咽喉閉塞及乾嘔頭痛食飲不下前胡湯

方

前胡去蘆頭參分

升麻壹兩

木通到壹兩

黃蘗微炙壹兩

玄參壹兩

大青參分

麥門冬去心焙參分

芒消壹兩

青竹茹參分

右九味麤搗篩每服三錢匕以水一盞煎至七分去

滓食後溫服日再

治肺風虛熱氣脹鼻中生瘡喘息促急時復寒熱白鮮

皮湯方

白鮮皮

玄參

葛根剉

白前

大黃剉碎微炒各貳兩

知母焙

鼈甲醋浸炙去裙襴

秦艽去苗土各壹兩半

右八味麤搗篩每服三錢匕以水一盞入童子小便

少許同煎至七分去滓溫服如人行四五里再服

治鼻乾痒生瘡乾嘔不下飲食升麻湯方

升麻

桔梗炒

黃芩去黑心

犀角細

貝母微炮

龍膽各半

甘草炙壹分

右七味麤搗篩每服三錢匕以水一盞煎至七分去滓溫服不拘時候日三

治鼻中生瘡辛夷膏方

辛夷壹分

白芷兩

藁本去苗

甘草

當歸去蘆頭各參分

右五味細剉以清酒六合羊髓十二兩銀石器盛火上煎三五沸去滓傾入合中澄凝以大豆許內鼻中日夜各一

治鼻生瘡痒痛不止地黄煎方

生地黄汁壹合

苦參剉壹兩

酥參合

鹽花貳錢後入

生薑汁壹合

右五味先以地黄生薑汁浸苦參一宿以酥和於銅石器中煎九上九下候汁入酥盡去滓傾入合中每以少許滴於瘡上諸風熱瘡亦佳其鹽花至半即下治肺氣風熱鼻內生瘡梔子煎方

山梔子去皮殼

苦參

木通各參兩

右三味細剉以四兩酥同煎令香濾去滓傾入合中每以少許滴入鼻中

治鼻中熱氣生瘡有膿殞兼有蟲滴鼻礬石煎方

礬石壹兩 熱枯

苦參

生地黄

洗令淨研 絞取汁參

合

右三味麤搗二味為末以地黄汁并水二盞煎至三

合綿濾去滓少少滴鼻中三五度差

治鼻中生瘡傅鼻祀竈飯散方

祀竈飯不限多少 燒為灰

右一味細羅為散以生油調塗傅之

治鼻中生瘡傅鼻馬絆繩散方

馬絆繩壹條

右一味燒為灰研細羅以少許摻傅瘡上

治鼻中熱氣生瘡有膿殞兼有蟲黃藥飲方

黃藥貳兩 去 麤皮

右一味以冷水浸一兩日絞取濃汁一盞服之

疳蟲蝕鼻生瘡

論曰五藏皆有蟲蟲得風則化肺開竅於鼻肺經既虛風熱乘之鼻氣壅塞不得宣通則疳蟲因得侵蝕瘡生鼻間

治鼻疳瘡侵蝕鼻柱烏香散方

草烏頭燒 灰

麝香研等 分

右二味同研細以少許貼瘡上

治鼻中疳瘡有蟲礬石湯方

礬石燒令汁 苦參各壹兩 生地黄參兩

右三味剉二味如麻豆大與礬石拌勻以水八合煎

取三合新綿濾過瓷器收盛時點鼻內

治疳蟲蝕鼻生瘡方

銅筋壹雙

右燒赤投醋中以醋少少塗之

治疳熱蟲蝕鼻生瘡黃蘗湯方

黃蘗去蟲皮貳兩

右一味細剉以新水浸二日絞取濃汁一盞煎一沸

溫服

治鼻中疳瘡杏仁膏

杏仁去皮尖不

右一味研如膏以乳汁和塗瘡上

治鼻中疳瘡方

烏牛耳中垢

右一味取少許傅瘡上

治鼻中疳瘡方

牛鼻津

右一味取塗瘡上

治疔蟲蝕人口鼻椿根湯方

椿根切壹升
去皮

鹽半

葱白切半
升

豉半

椒去目及閉口者
炒出汗壹合

右五味合和以醋及清泔各三升煎十數沸去滓約
及一升分作三服有惡物下即効小兒量大小加減

治疔蟲蝕人口鼻脣頰作瘡穿透者洗瘡銀屑方

銀屑十兩水三升煎取一升一日三四度洗瘡仍

於銅器中煎用

治疔蟲蝕鼻生瘡及鼻下赤爛如聖散方

大胡粉兩半

麝香研壹
字

甜瓜蒂染枚為末
入粉內同

研

右三味再同研勻用蟾酥少許水浸一宿次日取蟾
水先和胡粉次同和丸如棗豆大每用二丸水化傅
瘡上鼻下赤爛者塗赤爛處小兒每用一丸

治疔蟲蝕鼻生瘡及鼻涕淹潰青金散方

銅青

白礬生研
等分

右二味同研為散每用少許傅瘡上小兒亦可用

心二... 何... 參... 用... 小... 亦... 可... 用...

白... 主... 用...

白... 主... 用...

... 參... 黃... 金... 湯... 宜...

... 參... 不... 參... 亦... 參... 小... 貝... 貝... 貝... 一... 枚...

... 水... 味... 同... 味... 大... 吸... 菜... 豆... 大... 每... 用... 二... 大... 水... 分... 煎...

... 亦... 三... 煎... 再... 同... 煎... 會... 用... 煎... 煎... 少... 精... 水... 煮... 一... 盞... 火... 日... 煎... 煎...

大德重校聖濟總錄卷第一百一十七

瓜蒂人... 藥... 好... 味...

大德重校聖濟總錄卷第一百一十七

口齒門

口瘡

口糜

口吻瘡

口舌焦乾

口齒統論

論曰足太陰脾之經其氣通於口足陽明胃之經手陽明大腸之經其脉並夾於口故其府藏風邪濕熱發於經脉則於是口吻之疾牙齒者骨之所終髓之所養也又手陽明之支脉入於齒故骨髓之氣不足與夫陽明之脉虛不能有所滋養則於是牙齒之疾牙齒之疾其候甚多治療之法固不得略也養生方云雞鳴時常叩齒三十六下食畢令啄齒皆宜長行之令齒不蠹蟲又云早朝未起漱口中玉泉令滿口嚥之啄齒二七過去蟲而牢齒千金又曰每旦以鹽一捻內口中以煖

水揩漱及叩齒百遍為之不絕不過五日即牢密若此之類皆簡易可行行之有效不可忽也

口瘡

論曰口瘡者由心脾有熱氣衝上焦熏發其舌故作瘡也又有胃氣弱穀氣少虛陽上發而為口瘡者不可執一而論當求所受之本也

治熱毒發動口瘡心煩躁玄參煎方之

取人生玄參汁生葛汁

寒水石搗之

磁石煨醋淬柴編搗末各壹斤

升麻

羚羊角鎊

犀角鎊

甘草剉各兩

芒消壹斤

牛黃研為細末貳兩

右一十二味除鈇銀玄參生葛芒消牛黃外並麤搗

篩以水三斗煎銀寒水石石膏滑石磁石以汁二斗

去滓別以水五盞煎升麻羚羊犀角甘草至二盞去

滓與玄參并生葛汁一處都和再煎如稀餈然後下

芒消攪勻傾入瓷器中盛却入牛黃末再攪取勻停

冷黃黑色每取兩大匙入蜜一合和勻分四服熱湯

調下不拘時候

治口瘡槐枝煎方

槐枝二三月採桑枝剉

柳枝剉各壹斗參

隔宿浸次日入鍋文武火煎約得壹斗去滓再入銅鑊煎至伍升入後藥

槐蠹蟲兩壹

細辛去苗葉半兩

藁本去苗土壹兩

胡桐淚

升麻

莽草各半兩

麝香研壹分

右一十味將後七味搗羅為末入前藥汁內更煎如

錫臨臥淨漱口以藥半匙傅痛處有涎即吐之臨臥

再用

治口爛生瘡水漿不下當歸膏方

當歸兩壹

射干

升麻

附子去皮臍切

各半兩

白蜜肆合

豬脂伍兩

右六味除蜜脂外並剉先煎脂化去滓入諸剉藥慢

火煎候附子色黃又去滓入蜜更煎如膏以瓷器盛

每服如杏核大含之日三五度嚙津不妨

治口瘡及喉閉吹喉朴消散方

朴消

消石

膽礬

白礬

芒消伍味皆枯乾

寒水石燒

白殭蠶直者炒

甘草炙

青黛研各等分

右九味搗研為細散和勻每用少許摻瘡上遇喉閉

用筆管吹一字在喉中立破

治口瘡并咽喉塞黃連膏方

黃連

去須剉
參兩

豬脂斤

白蜜肆兩

羊髓

研貳
兩

右四味先以慢火煎豬脂取油去滓入黃連又煎令
黑色下羊髓髓化以綿濾去滓入蜜更煎數沸成膏
瓷合盛候冷每含如棗大日三五度嚥津不妨

治口瘡多年不差風熱上攻蓋薇膏方

蓋薇根

郁李根

水楊皮

牛蒡根

細切壹斤
各壹斤

露蜂房

碎擘
參枚

生地黃切

升麻

當歸

洗切各
壹兩

地骨皮

白芷

石膽

研各
半兩

熟銅粉

研

麝香

研各
壹分

右一十四味先以前六味細切水二斗煎至五升葛
布絞去滓次入地黃升麻當歸地骨皮白芷再煎至
二升綿濾去滓慢火又煎成膏乘熱下後三味研藥
攪令勻瓷器盛每含如彈丸大吐津

治口瘡積年不差丹砂膏方

丹砂

研壹
分

豬脂

各
參兩

膩粉

各
壹分

杏仁

湯浸去皮尖雙
人研參柒粒

膩粉

各
壹分

白礬

剉

胡粉

各壹
分

生地黃

半兩
切焙

麝香

研壹分

右九味搗研七味爲末先煎脂蜜令化去滓次下諸藥更煎十餘沸以綿濾去滓更煎待膏就瓷合盛每用如杏人大綿裹合吐津

治久患口瘡不任食物雞舌香丸方

雞舌香

末

松脂

研各壹分

胡椒爲末 桑葉爲末 參

細辛

爲末參分

右四味用蘇木濃煎汁和藥丸如梧桐子大每以煖水研一九塗瘡上

治口瘡久不差燒肝散方

不觀中藥

茵陳蒿

犀角屑

石斛根

白朮

芫胡去苗各半兩

芍藥

紫參

桔梗剉妙

防風去

桂去麩皮

吳茱萸湯浸炒 人參

白無莖分壹

右一十三味搗羅爲散每服五錢匕以白羊肝五兩細切去筋膜入蔥白三莖細擘相和濕紙三五重裏慢火煨熟空腹頓服米湯下

治口瘡經年歇發飲食艱難薔薇根散方

薔薇根

剉壹握

蜀椒去目并閉口炒

右二味搗羅爲散以漿水二盞煎五七沸去滓熱含
冷吐

治牙疼口瘡積年不差蟾酥丸方

蟾酥

壹片水浸令軟

麝香

研少許

右二味細研丸如粟米大以綿裹一丸於病處咬之
有涎卽吐

治口瘡久不差方

薔薇根

壹握

右一味剉用水一升煎至半升候冷含稍稍嚥之冬
用根夏用莖葉又宜同角蒿灰塗有涎吐之

治元藏虛冷上攻口瘡巴戟散方

巴戟天

去心壹兩

白芷

半兩

高良薑

爲末壹錢匕

右三味搗爲細散用豬腰子二隻去筋膜每一隻入
藥散一錢匕用濕紙裹煨熟乘熱去紙以口吸熱氣
有涎卽吐候冷細嚼服之

治口瘡杏人丸方

杏人

湯浸去皮尖雙人拾粒

蛇牀子

燒灰

白芷

燒灰

膩粉

各壹分

右四味研杏人如膏和三味爲丸如雞頭實大每細
嚼五丸不得嚥津吐涎出立効

治口瘡甘草煎方

甘草炙為末半兩

豬膏兩

白蜜賦

黃連去須為末壹兩

右四味先煎脂令沸去滓下蜜并藥等慢火熬成煎每服一匙頭含嚙津以差為度

治口瘡白礬煎方

白礬末

鉛丹研各壹兩

附子去皮臍生為末

屋下火煤各半兩

右四味搗研為末入白蜜三兩煎為煎入竹筒盛飯上炊一次每用少許含吐涎出効

治口瘡黃蘗煎方

黃蘗末壹兩

亂髮洗去膩參兩

硫黃研壹分

黃連末壹兩 麻油半斤

右五味先將油煎髮銷然後下黃蘗等末重煎待凝成煎每含如杏人大吐津不得嚙

治口瘡疼痛石膽煎方

石膽半錢燒研末

蜜壹合

黃蘗末壹錢

蟾酥研半錢

右四味先於鑪中慢火煎蜜次下藥末煎如餲每含如杏核大吐津不得嚙

治口瘡杏仁煎方

杏仁去皮尖雙人研貳柒粒

胡粉研

鉛丹研各壹分

右三味用蜜五合調和用竹筒盛蒸一次久旋含之

吐津不得嚥

治口瘡麝香散方

麝香研壹字

胡黃連壹錢

檳榔生剉壹枚

右三味搗研為細散旋傅之

治口瘡滑石散方

滑石

膽礬各壹兩

右三味搗研為散每用一錢匕以綿裹含吐津

治口瘡疼痛生薑煎方

生薑取汁壹盞

白沙蜜兩

右二味同煎十餘沸用瓷器盛時時以熱水調一匙

頭含嚥之

治口瘡柳花散方

黃蘗兩壹

澱花兩

右二味為散臨臥乾摻誤嚥亦不妨

治口瘡麝香散方

麝香少

人中白壹錢

右二味研細綿裹如菜豆大含之嚥津

治口瘡二物散方

白僵蠶

黃連各等

右二味為末臨臥搽口內

治口瘡諸藥不效碧玉散方

膽礬

半兩鍋子內燒通赤地上出火毒

右一味細研每取少許傅瘡上有清涎吐之

治口瘡附子塗脚方

附子

壹枚生為末

右一味以薑汁和勻攤脚心

治口瘡藁荷根湯方

藁荷根貳兩

右一味細剉分為三分每分以水二盞煎三五沸去

滓熱含冷吐

治口瘡升麻含汁方

升麻

不拘多少

右一味含一塊嚥津

治口瘡薺芩煎方

薺芩

參拾枚

右一味以薄綿裹酒煮二十沸許取出每含一枚良

久嚼嚙之日三五度

治口瘡豆豉散方

豆豉肆兩 妙

右一味搗羅為散每用綿裹一錢匕含之日五七次

治口瘡乾蟾散方

乾蟾一枚 壹

右一味搗研為散綿裹半錢匕含吐津

治口瘡胡粉膏方

胡粉壹兩 研

右一味以牛酥調如膏每含如杏人大嚙津

治口瘡馬牙消散方

馬牙消研末 壹兩

右一味每含一錢匕嚙津日三五度

治口瘡檳榔散方

檳榔剉

右一味為散每取半錢匕塗舌及脣上

治口瘡桑汁塗方

桑條汁壹

右一味早晨塗口舌上

治口瘡蒲黃散方

蒲黃壹兩

右一味每用一錢七傅口舌上嚥之

治口瘡無食子散方

無食子燒灰細研壹兩

右一末每取一錢七傅舌上日三五次

治口瘡楸木汁方

楸木白汁伍合

右一味每取一匙頭含嚥日三五次

治口瘡蟾酥線方

蟾酥片貳片

右一味以水半盞浸化為水更入牛黃末一錢七攪勻以絲線五十條就藥中浸一宿陰乾每取一條含

吐津

治口肥瘡方

竈土飲食

右一味炒令焦研末傅之

治下冷口瘡神聖膏方

吳茱萸壹兩

右一味擣羅為末用酸醋一大盞調熬成膏後入地龍末半兩攪勻每臨臥時先用葱椒湯洗足拭乾用

藥徧塗兩脚底心或以手帛子繫定次日必減未減再塗

治口内生瘡齒斷肉爛升麻飲方

升麻

黃連去須

羚羊角鎊

玄參

黃芩去黑心

麥門冬去心焙

葛根剉

大黃剉

羌活去蘆頭

防風去

甘菊花各半兩

人參分

甘草炙

知母各壹分

右一十四味麝搗篩每服三錢匕水一盞煎至七分去滓溫服食後

治口瘡衆藥不差者蜜陀僧散方

蜜陀僧

黃蘗去麩皮

甘草各壹兩并搗

蒲黃

黃藥子各半兩

右五味搗研為散時時傅之

治久患口瘡黃連膏方

黃連去須

升麻

槐白皮

大青

苦竹葉各壹兩

右五味細剉以水二升煎至半升去滓取汁入龍腦蜜攪令勻煎成膏塗瘡上日三度

治舌上生瘡鉛丹膏方

生地黄汁合參 蜜合參

杏人去皮尖雙人別研如麩茶拾枚

右四味合和一處調勻銀器內煮用槐枝攪不得住手看色紫即成取少許口內含化吐津

治口瘡久不差蟾酥線方

真蟾酥伍皂子大 蓬砂

龍腦

麝香各壹皂子大

右四味同研極細以溫湯半盞化令勻入緋線秤半錢蘸藥汁曬乾再蘸再曬候藥汁盡將線寸截每用一條貼於患瘡處有涎即吐一日三五次易之取差

為度

治大人小兒卒患口瘡鉛霜散方

鉛白霜研細不拘多少

右取少許塗傅痛處一兩度差

治卒患口瘡升麻湯方

升麻剉

黃蘗去麩皮剉

大青各壹兩

右三味麤搗篩每服五錢七水二盞煎取一盞熱漱冷吐

治口舌生瘡久不差白芷散方

白芷末壹錢

銅綠壹錢

白殭蠶肆枚

乾烟脂半錢

右四味搗研為末每用少許以雞翎子掃瘡有涎吐之不得嚥津

治虛勞口瘡久不差秦艽散方

秦艽去苗土

此胡去苗各壹兩

右二味搗羅為散每服三錢七割豬肝三兩片用酒煮之去肝取酒調藥溫服十服當愈

治心肺壅熱口内生瘡胸膈痰逆玄參湯方

玄參

茅根剉

羌活去蘆頭

竹筴

木通剉

羚羊角鑿

升麻各半兩

黃連去須

人參去心

苦竹葉

半夏湯洗去滑各參分 甘草剉壹分

右一十二味麤搗篩每服三錢匕水一盞入生薑三片煎至六分去滓溫服食後

治口瘡久患不差銅綠散方

銅綠研壹錢

鉛丹炒兩兩

白芷焙壹分為末

右三味合研令勻取少許摻舌上即差

治口瘡痛茯苓湯方

赤茯苓去黑皮

人參各壹兩

右二味麤搗篩分作四服每服水二盞煎至一盞去

滓溫服日三不過二劑

治口瘡玄參丸方

玄參 天門冬去心 麥門冬去心

右三味搗羅為末鍊蜜丸如彈子大每用一丸綿裹

含化嚥津

治日常有瘡痰藜子散方

痰藜子炒去 菡豆炒各

右二味搗羅為散如茶點喫

口糜

論曰膀胱移熱於小腸隔腸不便上為口糜夫小腸之

脈絡心循咽下膈抵胃陰陽和平水穀入胃小腸受之
通調水道下輸膀胱今熱氣厥逆膀胱移熱於小腸胃
之水穀不得傳輸於下則令腸隔塞而不上則令口
生瘡而糜爛也大抵心胃壅熱則必熏蒸於上不可槩
以傳藥當求其本以治之
治小腸熱服口糜生瘡此胡澤瀉湯方

芫胡去 澤瀉 陳橘皮浸去

黃芩去黑 枳實炒 旋復花

升麻 芒消別研各 生地黃升

右九味除芒消外咬咀如麻豆大每服五錢匕水二

蓋煎取一盞去滓下芒消末半錢匕攪勻食後溫服

治口糜生瘡久不差及心脾中熱乍發乍退大青丸方

大青去根

甘草炙

枳殼去瓤炒

苦參剉各參分

黃連去須

生乾地黄焙

升麻各壹兩

右七味搗羅為末鍊蜜和丸如梧桐子大每服二十

丸食後熟水下日二服

治口糜生瘡久不差大黃散方

大黃煨炙火

甘草炙

黃蘗炙剉各壹兩

蜜陀僧研

滑石研各壹分

右五味搗研為散每用一錢匕綿裹含有涎即吐

治口糜生瘡升麻丸方

升麻

黃連去須

黃蘗炙

杏人湯浸去皮尖雙入各壹兩

右四味將上三味搗羅為末次研杏人如膏鍊蜜三

兩以藥末并杏人膏合和為丸如彈子大每服一九

含化嚥津

治大人小兒口糜生瘡紫金散方

黃蘗蜜塗慢火炙令紫色半兩

訶梨勒壹枚煨熟去核

麝香研

膩粉研各少許

右四味搗研為散再同研勻每用半錢許搽瘡上

治口糜生瘡大黃湯方

大黃剉壹兩

芒消研

黃連去須

黃蘗炙各半兩

右四味麤搗篩每服三錢匕水一盞煎至六分去滓

入蜜半匙酥少許細呷含嚥

治口糜生瘡痛不得食甘草丸方

甘草壹寸炙赤色

杏人貳拾枚湯浸去皮尖雙人研

黃連末壹分

右三味搗研為末和勻每服綿裹如杏人大含化嚥

津

治口糜生瘡此胡湯方

此胡去苗

地骨皮各壹兩

右二味麤搗篩每服三錢匕水一盞煎至六分去滓

細含嚥之

治口糜生瘡黃蘗散方

黃蘗蜜塗炙乾去火毒

白殭蠶直者置新瓦上下以火燂蠶絲斷出火毒

右二味等分搗為細散搽瘡及舌上吐涎

治口糜生熱瘡杏人餅子方

杏人湯浸去皮尖雙人拾肆枚別研細

膩粉壹錢

右二味和研勻如膏每餅如錢眼大鉛丹為衣先用
鹽湯漱口含一餅涎出即吐

治口糜生瘡大黃蜜煎方

大黃青兩切如指頭大

右一味以蜜煎五七沸候冷取出每含一塊嚥津

治口瘡糜爛生蜜塗方

蜜生使

右一味頻用塗瘡上三五次即愈

口吻瘡

論曰口吻瘡者其瘡發於脣吻之間疼痛微腫濕爛有

汁世名燕口又名肥瘡此由脾胃有熱隨氣熏發上攻
於口脣與津液相搏所致

治口吻瘡芎藭丸方

芎藭貳兩

白芷

陳橘皮湯浸去白焙

黃連去須各半兩

右四味搗羅為末鍊蜜丸如梧桐子大每服二十九

甘草湯下不拘時

治口吻生瘡亂髮灰散方

亂髮灰

黃連去須

故絮灰各壹兩

乾薑炮半兩

右四味搗研為散再研勻不拘多少傅瘡上日三五次以差為度

治口吻瘡久不差麝香散方

人中白研 麝香研各 壹錢

右二味再研勻塗瘡上

治口吻瘡楸木皮傅方

右取楸木白皮濕貼之日三五度差

治口吻瘡葵根散方

右取經年葵根一握燒作灰研為散傅之

治口吻瘡楊木汁塗方

右取白楊木嫩枝於鐵上燒取汁塗之日三五上差

治口吻瘡檳榔散方

右用白檳榔燒灰細研為散傅之日三五度

治口吻瘡馬齒莧汁塗方

右搗馬齒莧取汁塗之

治口吻瘡烏金散方

右取蟻螂三枚燒灰細研為散傅之

口舌乾焦

論曰心主舌脾主口口舌乾焦者以心經蘊熱傳之於脾二藏俱受邪熱故口舌之間津液燥而乾焦也亦有

多食五辛飲酒過度熱積上焦不能滋潤於口舌而致
乾焦者治宜詳之

治口舌乾焦葛根湯方

葛根

甘草各兩 人參各分

赤茯苓去黑皮壹兩 天門冬去心焙參分 黃耆到壹兩

桂去麤皮參分 犀角屑 生乾地黄

芎藭各半兩 麻黃去根節壹兩 牛黃研壹分

地骨皮到半兩 麥門冬去心焙壹兩 日三五燒

右一十四味麤搗篩每服三錢匕水一盞煎至七分

去滓溫服不拘時

治口舌乾焦乾棗湯方

乾棗去核壹兩 貝母去心各壹兩半 生乾地黄焙

胡桃瓢各貳兩 陳橘皮去白焙壹兩 牛膝酒浸切焙

葛根剉 鼈甲去裙襴醋炙 茈胡去苗

桑根白皮各壹兩

右一十味麤搗篩每服五錢匕水一盞半煎至一盞

去滓溫服不拘時

治心脾客熱口舌乾焦生瘡桂心散方

桂去麤皮半兩 赤茯苓去黑皮參分 黃連去須

梔子人 杏仁去皮尖雙人研各半兩

黃芩去黑心

甘草炙 大黃剉

栝樓根兩

薔薇根切

黃芩生

右一十味搗研為散食後以溫漿水調下二錢匕日三服

治口乾渴燥栝樓根湯方

栝樓根兩

石膏碎

鉛丹研

赤石脂

白石脂各半

澤瀉分

右六味麤搗篩每五錢匕水一盞半煎至一盞去滓入胡粉半錢匕分溫二服不拘時

治心熱舌乾煩躁茯苓湯方

白茯苓去黑皮

大黃剉

升麻剉

麥門冬去心

遠志去心

人參

葛根剉

甘草炙

右八味麤搗篩每服三錢匕水一盞煎至七分去滓

溫服不拘時

治口乾醋石榴湯方

醋石榴子壹兩

酸棗去核

麥門冬去心

覆盆子壹兩

葛根兩

烏梅去核

甘草炙

栝樓根壹兩

右八味麤搗篩每服五錢匕水一盞半煎至一盞日

三服不拘時

治口乾舌上生瘡五參丸方

玄參

沙參

丹參

苦參

人參

秦艽去苗土各壹兩

乾薑炮半兩

酸棗人壹兩

右八味搗羅為末鍊蜜丸如梧桐子大每服二十九

至三十九米飲下不拘時

治口乾心熱甘草丸方

甘草炙

人參

烏梅肉炒

棗肉焙

石膏碎各壹兩

半夏湯洗去滑生薑汁製壹分

右六味搗羅為末鍊蜜丸如彈丸大每服一丸含化

不拘時

治口中乾燥心膈痰壅芤胡散方

芤胡去苗壹兩

地骨皮

赤茯苓去黑皮

枳殼去穢炒

旋復花各半兩

右五味搗羅為散每服二錢七生薑湯調下日三服

不拘時

治口熱舌焦乾杏人煎方

杏人去皮尖雙人研半兩生薑汁壹合

甘草炙剉為末半兩

棗去皮核研拾枚

蜜伍合

右五味先下薑汁與蜜煎令烊後入諸藥煎赤色如
錫每取一丸如棗核大含化

治口舌乾燥乾棗杏人丸方

乾棗肉焙

杏人去皮尖
雙人研

烏梅肉焙

甘草炙到各
壹兩

右四味搗研為末鍊蜜丸如彈子大每服一丸不拘

時含化

治口舌乾除熱下氣石膏煎方

石膏

搗碎綿
裹參兩

蜜伍
兩

右二味先用水三盞煎石膏至二盞內蜜更煎令稠

每用一匙頭含化溫湯調下亦得

治口舌乾燥心熱麥門冬湯方

麥門冬

去心
焙

栝樓根各壹
兩

右二味麤搗篩每服三錢匕水一盞煎至七分去滓

溫服不拘時

治口舌乾燥生瘡心脾腸熱菹豆湯方

菹豆

炒

蒺藜子炒各
貳兩

右二味麤搗篩每服五錢匕水一盞半煎至一盞去

滓日三服不拘時

大德重校聖濟總錄卷第一百二十七

卷一百二十七

十一